



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

6. Fulminum & tempestatis metu, tandem Alphonsus ad pœnitentiam adigitur.

**urn:nbn:de:hbz:466:1-45686**

militi fuerant reuelata, & mandata. Eremita nihil prius habuit, quām vt Regem adiret, eique, quę vidisset, quę audisset, ordine referret, hortareturque, ad tam detestandam, de diuina Sapientia, blasphemiam quantocyūs retractandam, p̄c̄nitentiaque exemplari diluendam. Poterat hęc iterata monitio, fidem priori facere. poterat vel corneam fibram emollire; sed verba siebant mortuo. Alphonsus, saxo durior, tanquā alter Sennacherib, in blasphemia perstirrit; velut nouus Nabuchodonosor, in superbia confirmatus, pro eo, vt diligeret Eremitam, toruo vultu, & corrugato naso, percussit, iratissimāque voce, vt insipientem, abire à se procul in malam rem jussit, iterum nefanda illa verba repetens: *Si tempore creationis humana interfuerit, plurima melius ordinari posse.* Nempe Holofernem aut egit, aut imitatus est, Achior increpantem, quōd soli Deo potentiam attribuisset. Va vobis, Principes, &c Reges, si eō per fastum elati estis, vt neque primipilos militum, neque bonos consiliarios, neque viros religiosos, neq; ipsos confessarios, aut Eremitas amplius audire sustineatis. Obduratae aures, obdurati cordis sunt argumentum: & obduratum cor, magnum est aut percutientis signum, aut perituri.

Quanquam non raro Deus misericordiae suę omnipotenciam, etiam in istis saxis, ostendit. Accipite enim, obsecro, quid porrò contigerit huic, tam diu Christianum Pharaonem agenti. Proximā nocte, tenebris horrorem augentibus, tandem sese cœpit exerere diuinæ maiestatis ira. Primūm insoliti venti, & spiritus procellarum, concussis arborum ramis, & ædificiorum fundamentis v̄fanissimè fremuerunt. Crepabant fenestræ; tremebant ianuę, quatiebantur muri, mænia ipsa videbantur collapsura. Caliginoso & nocturno cælo inducebantur fœdissimæ nubes. Ex inter se, Aquilonum vi, collisæ in repentinam flamمام emicabant: fulguraq; metuenda identidem, è tenebris, coruscantia oculos perstrinabant. Fulgura aërem incendentia, sequebantur horrenda tonitrua, quę, abrupto fragore, ipsam mundi compagem videbantur solutura. Nec fuere fulgura illa è pelui, sed terrifico lumini fulmina tam densa miscebantur, ut cælum cadere videretur. Nimis tunc intonuit de cælo Dominus, & Altissimus dedit vocem suam: grando Psalm. 17. & carbones ignis: misit sagittas suas, & dispergit eos: fulgura multiplicanit

E plicant

34 Cap. IV. Fulmina Pharaonem, & Alphonsum, alioſq; castigantia.

plicavit, & conturbanit eos. Nam, *Qui sunt, qui trepidant, & ad omnia fulgura pallent?* Nonne quorum conscientia clamat, *Deum se habere inimicum?* Quid ergo tunc animi Alfonso putemus fuisse? cum præsertim & tempestas, & circumstantes venti, & fulminum jactus, illi semper fierent viciniores? Trepidabat Rex, sed, ad salutaria stupidus, non emendabatur. Itaque propius censuit ira Numinis feriendum. Fulmen trisulcum in ipsum eius cubiculum destinat, quo & Regis & Reginæ vestes extemplò combustæ, atque in cineres redactæ fuerunt. Ibi enim è veterno excitatus Alphonsus, sed attonitus, & vix loqui valens, cubicularios vocat, jubetq; Eremitam, ante aliquot horas, cum indignatione, abactum, actutum reuocari. Sed erat ea tempestatis vehementia, ut è palatio exire nemo posset. Repetitis igitur cæli mugientis fragoribus ictibusque, & corusco fulmine alia super alia incendente, immensum auctus est Regis metus, ut augeretur & desiderium Eremitæ reuocandi. Quem ut tandem vidit Rex ingredientem, iam longè à se alius ad pedes eius procidens; *Ego, inquit, sum, qui peccavi.* Eremita vero, *Homo acharis,* ait, quasi fabula vana. Et: *Quis posuit in visceribus hominis sapientiam?* Nuncquid Altissimi Consiliarius tu es? O vitianum, Rex, memor fuisses verborum Regis Sapientissimi Salomonis, *Vanitatem, & verba mendacia longè fac a me.* Vides nunc omnipotentiam DEI? Vides, cur fulmina condiderit?

## VII.

*Eccles. 10. 21.  
Iob. 38. 36.*

*Prover. 30. 8.*

*Sapi. 5. 21.*

*3. Reg. 18. 38.  
4. Reg. 1. 9.*

Si homines diuina affectare, si Pelion Ossa imponere, si se gigantes existimare volunt, pugnabit cum illo Orbis terrarum, contra insensatos. Ibunt directè emissiones fulgurum, & tanquam à benè curvato arcu nubium, exterminabuntur, & ad certum locum insilient; in intimum tuum cubile penetrabunt; pectus tuum ferient: hoc satis est Creatori, si habeat tales satellites, honorisque sui defensores. Tales habuit Elias, & tunc, quando frustra clamantibus sacrificulis Baal, elicuit ignem de cælo, ad absumentum holocaustum; & tunc, quando Ochozias misit ad eum quinquagenarium Principem, & quinquaginta, qui erant sub eo. Qui ascendit ad eum, sedentique in vertice montis, ait: *Homo Dei, Rex præcepit, ut descendas.* Respondensq; Elias, dixit *Quinquagenario:* *Si homo Dei sum, descendat ignis de cælo,* & denoret te, & quinquaginta tuos. Descendit itaq; ignis de cælo, & demorauit eum, & quinquaginta, qui erant cum eo. Rursumq; misit ad eum Principem.